

Ո Ր Ո Շ ՈՒ Մ թիվ - 375
վարչական տույժ նշանակելու մասին

«03» դեկտեմբերի 2021թ.

ք. Երևան

ՀՀ պետական եկամուտների կոմիտեի իրավաբանական վարչության պետ Ա. Մնացականյանս, քննելով Նեմաթ Զաքի Էսմաելի վերաբերյալ նյութերը՝

Պ Ա Ր Զ Ե Ց Ի՝

2021 թվականի հոկտեմբերի 18-ին ՀՀ ՊԵԿ Հարավային մաքսատուն-վարչության աշխատակիցները Մեղրիի մաքսային կետ-բաժնի տարածքում զննության են ենթարկել ԻԻՀ-ից ՀՀ ժանանած, ԻԻՀ քաղաքացի Նեմաթ Զաքի Էսմաելի կողմից շահագործվող «VOLVO» մակնիշի, 42B337/8 հաշվառման համարանիշի բեռնատար ավտոմեքենան, ինչի արդյունքում, նշված բեռնատար ավտոմեքենայի խցիկի վարորդի նստատեղի տակից, կցորդիչի պաշարների համար նախատեսված արկղից հայտնաբերել են մաքսային հսկողությունից թաքցրած ընդհանուր՝ 36 տուփ (բլոկ) <<COBRA NANO Black>> գրառմամբ ծխախոտ, 24"5 կգ քաշով <<Spedi>> ապրանքանիշի շարժիչի յուղ և 80 լիտր քաշով դիզելային վառելիք:

Փաստի առթիվ վարորդ Նեմաթ Զաքի Էսմաելի նկատմամբ ՀՀ մաքսային օրենսգրքի 201-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն, իսկ վերոնշյալ ապրանքները, որպես իրավախախտման անմիջական օբյեկտ, վերցվել և ի պահ են հանձնվել Մեղրիի մաքսային կետ-բաժնի պահեստում:

Վարչական վարույթի ընթացքում 26.10.2021թ-ի գրությամբ հարցում է կատարվել ՀՀ ՊԵԿ Հարավային մաքսատուն-վարչություն ճշտելու 24.5 կգ քաշով <<Spedi>> ապրանքանիշի շարժիչի յուղի և 80 լիտր դիզելային վառելիքի մաքսային արժեքի և վճարման ենթակա մաքսային վճարների չափը:

ՀՀ ՊԵԿ Հարավային մաքսատուն-վարչության 26.10.2021թ-ի գրության համաձայն՝ 2021 թ հոկտեմբերի 18-ի դրությամբ «բացթողում ներքին ապառման համար» մաքսային ընթացակարգով հայտարարագրելու դեպքում 24.5 կգ քաշով <<Spedi>> ապրանքանիշի շարժիչի յուղի և 80 լիտր դիզելային վառելիքի մաքսային արժեքը ընդհանուր՝ կկազմի 55327 ՀՀ դրամ:

Վերոնշյալ ծխախոտի շուկայական արժեքը 2021թ-ի հոկտեմբերի 18-ի դրությամբ որոշելու համար՝ 27.10.2021 թվականին նշանակվել է «Ապրանքագիտական փորձաքննություն», որի կատարումը հանձնարարվել է ՀՀ «Փորձագիտական կենտրոն» պետական ոչ առևտրային կազմակերպության փորձագետին:

ՀՀ «Փորձագիտական կենտրոն» պետական ոչ առևտրային կազմակերպության փորձագետի 15.11.2021թ. թիվ 21042110 եզրակացության համաձայն՝ փորձաքննությանը ներկայացված 1 տուփ (բլոկ) <<COBRA NANO Black>> ծխախոտի շուկայական արժեքը 2021 թվականի հոկտեմբերի 18-ի դրությամբ կարող էր կազմել ընդհանուր՝ 3700 ՀՀ դրամ:

Պարզելու համար թե որքան է կազմել նշված ապրանքների մաքսային արժեքները՝ 29.11.2021թ-ին գրությամբ հարցում է կատարվել ՊԵԿ Մաքսային հսկողության վարչություն, որտեղից ստացված 30.11.2021թ. պատասխան գրության համաձայն՝ 15.11.2021թ. թիվ 21042110 եզրակացությունում նկարագրված ծխախոտի մաքսային արժեքը 2021 թվականի հոկտեմբերի 18-ի դրությամբ կկազմի ընդհանուր՝ 133200 ՀՀ դրամ, իսկ մաքսային վճարները կկազմի 123703 ՀՀ դրամ, որից մաքսատուրքը՝ 7992 ՀՀ դրամ, ԱԱՀ՝ 36007 ՀՀ դրամ, իսկ ակցիզային հարկը՝ 79704 ՀՀ դրամ:

ԵԱՏՄ մաքսային օրենսգրքի 2-րդ հոդվածի 1-ին մասի 25-րդ կետի համաձայն՝ «Միության մաքսային սահմանով ապրանքների անօրինական տեղափոխում» է համարվում ապրանքների տեղափոխումը Միության մաքսային սահմանով այն վայրերից դուրս, որոնցով, սույն Օրենսգրքի 10-րդ հոդվածին համապատասխան, պետք է կամ կարող է իրականացվել ապրանքների տեղափոխում Միության մաքսային սահմանով, կամ այդ վայրերում գտնվող մաքսային մարմինների աշխատանքային ժամանակից դուրս, կամ մաքսային հսկողությունից թաքցնելու կամ ապրանքների ոչ հավաստի հայտարարագրման կամ չհայտարարագրման կամ ապրանքների վերաբերյալ ոչ հավաստի տեղեկություններ պարունակող փաստաթղթեր օգտագործելու միջոցով և (կամ) նույնականացման՝ կեղծ կամ այլ ապրանքներին վերաբերող միջոցներ օգտագործելու միջոցով:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 201-րդ հոդվածի համաձայն՝ Հայաստանի Հանրապետության մաքսային սահմանով ապրանքների տեղափոխումը՝ մաքսային հսկողությունից թաքցնելով, այսինքն՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների մաքսային արժեքի չափով:

ՀՀ մաքսային օրենսգրքի 219-րդ հոդվածի համաձայն՝ մաքսային կանոնների խախտման վերաբերյալ գործը քննվում է վարչական պատասխանատվության ենթարկվող անձի մասնակցությամբ: Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Նեմաթ Ջաքի Էսմաեիլը 2021 թվականի դեկտեմբերի 03-ին հրավիրվել է ՀՀ ՊԵԿ իրավաբանական վարչություն՝ իր նկատմամբ ՀՀ մաքսային օրենսգրքի 201-րդ հոդվածի հատկանիշներով սկսված վարչական գործի քննությանը մասնակցելու համար, սակայն վերջինս չի ներկայացել:

Այսպիսով, նյութերով պարզվել է, որ 2021 թվականի հոկտեմբերի 18-ին Նեմաթ Ջաքի Էսմաեիլը՝ մաքսային հսկողությունից թաքցնելով այն է՝ ապրանքների հայտնաբերումը դժվարացնող եղանակով, բեռնատար ավտոմեքենայի խցիկի վարորդի նստատեղի տակ, կցորդիչի պաշարների համար նախատեսված արկղում տեղադրելով, ՀՀ է տեղափոխել ընդհանուր՝ 188527 ՀՀ դրամ մաքսային արժեքով 36 տուփ <<COBRA NANO WHITE>> գրառմամբ ծխախոտ, 24"5 կգ քաշով <<Spedi>> ապրանքանիշի շարժիչի յուղ և 80 լիտր քաշով դիզելային վառելիք, այսինքն՝ Նեմաթ Ջաքի Էսմաեիլը թույլ է տվել ՀՀ մաքսային օրենսգրքի 201-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ արձանագրությամբ, ՊԵԿ Մաքսային

հսկողության վարչության 30.11.2021թ գրությամբ, 18.10.2021թ-ի մաքսային զննման ակտով, ՀՀ «Փորձագիտական կենտրոն» պետական ոչ առևտրային կազմակերպության փորձագետի 15.11.2021թ. թիվ 21042110 եզրակացությամբ և ՀՀ ՊԵԿ Հարավային մաքսատուն-վարչության 26.10.2021թ-ի գրությամբ:

Վերոգրյալի հիման վրա և ղեկավարվելով ՀՀ մաքսային օրենսգրքի 206-րդ, 201, 221 և 224-րդ հոդվածներով,

Ո Ր Ո Շ Ե Ց Ի՝

1. Նեմաթ Ջաքի Էսմանեյին (Հասցե՝ ԻԻՀ, ք. Խոյ, գ. Սայիդաբար, անձանագիր՝ A41409271) ճանաչել զանցառու ՀՀ մաքսային օրենսգրքի 201-րդ հոդվածով և նրան տուգանել թաքցնելով ՀՀ մաքսային սահմանով տեղափոխված վերոնշյալ ապրանքների մաքսային արժեքի չափով՝ 188527 ՀՀ դրամի չափով:

/վճարումը 900005024055 հաշվեհամարին/

2. Վերցված ապրանքները կարող են վերադարձվել մաքսային ձևակերպումները կատարելուց, տուգանքի վճարումից, մաքսային վճարների և պարտավորությունների կատարումից հետո՝ մեկ աշխատանքային օրվա ընթացքում

3. ԵԱՏՄ մաքսային օրենսգրքի 98-րդ հոդվածի 4-րդ մասի համաձայն՝ որոշումն ուժի մեջ մտնելու օրվան հաջորդ օրվանից ոչ ուշ, քան 10 օրացուցային օրվա ընթացքում վերցված ապրանքները պետք է հանձնվեն ժամանակավոր պահպանման:

4. Որոշման մասին հայտնել Ն.Էսմանեյին՝ պարզաբանելով ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ դա կայացնելուց հետո 10 օրվա ընթացքում կամ ՀՀ վարչական դատարան երկու ամսվա ընթացքում:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



ԱՐՄԱՆ ՄՆԱՅԱԿԱՆՅԱՆ